



Inatsisartunut ilaasortaq
Malik Berthelsen
Siumut

Pineqartoq: §36, imm.1 naapertorlugu apeqqummut 2010-152 aningaasanik aqut-sisinnaaneq

Apeqquteqarlutit allakkatit 26. juli 2010-meersut tiguagut:

Meeqqat atuarfianni atuartunut angajullernut aningaasanik aqut-sisinnaaneq erniortitsisinnaanerlu ilinniartitsissutigineqarsinnaanissaa Naalakkersuisut eqqarsaatigisinnaanerlugu?

Naalakkersuisut ilisimatitsissutigissavaat aningaasanik aqut-sisinnaaneq erniortitsisinnaanerlu meeqqat angajulliit atuarfianni matematikkimi atuartitsinermi ilaareermat. Taamaattumik aalajangersakkat ataani issuarneqartut innersuussutigissavakka:

Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaat nr. 16, 24. juuni 2003-meersumi § 29, imm. 3 naapertorlugu angajulliit atuarfianni atuartitaareernerminni matematikkip atuuffiisa samminerani naatsorsuutigineqarpoq atuartut

- 1) assigiinngitsunut tunngatillugu kisitseriaatsit arlaannik toqqaasinnaassasut, procentinik paasinnittaatsit atorsinnaassagaat naleqqiussillunilu kisitseriaatsit atorsinnaassagaat,
- 2) inuiaqatigiinni ineriartornermut, soorlu aningaasaqarnermut, teknologii-mut, pingngortitamut, avatangiisinut, kulturimut, sunngiffimmu peqqinnissamullu, isummersuutininut attuumassuteqartut assersuutit ilisimasaqarfigissagaat,
- 3) ernianik ernianillu naatsorsuutininik, ilaatigut ileqqaakkani, aningaasanik atornerni akilersugassarsinernilu pisariinnerni, kisitsisinnaassasut,
- 4) matematikkimi assilisassanik, soorlu najoqqutassianik funktioninillu, misissuisinnaassasut,
- 5) periaatsit nassuiaatillu pingaartinnerullugit paasissutissanik katersanik statistiskimik nassuiaasiorsinnaassasut,
- 6) soorlu qarasaasiaq iluaqutigalugu piviusuusaartitaliorsinnaassasut,
- 7) ulluinnarni pisiassanut, angallannermut, ineqarnermut, aningaasarsianik naatsorsuutininut akileraarutinillu naatsorsuutininut tunngatillugu pissaqarniarneq aningaasaqarnerlu eqqarsaatersorfigisinnaassagaat,
- 8) ilimanassutsimik statistikiusumik paasinnittaaseq atorsinnaassagaat,
- 9) qarasaasiaq nassuiaasiornermut, misissuiner-mut, piviusuusaartitsiner-mut naatsorsuiner-mullu, soorlu inuiaqatigiinni pissutsinut tunngatillugu, atorsinnaassagaat,

3. august 2010
Sagsnr. 2010-024961
Dok. Nr. 429528

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

10) assassornermi eqqarsaatersornernilu naammassiiniarnernut matematikki iluaqtitut tamatigoortutut atorsinnaassagaat.

Inussiarnersumik inuulluaqqusillunga

Mimi Karlsen
Naalakkersuisoq